

欽定剿平三省邪匪方略

欽定剿平三省邪匪方略正編卷三十一

丁巳年

三月十四日

甲寅

惠齡恒瑞舒亮奏言

臣

等跪升

探得前此分竄洪山及泰山寺二處之賊又復
分爲數股自一二百人至四五百不等探知官
兵由何處前來卽從官兵未經之處任意奔逃
第官兵利在迎頭截剿若僅分投追襲旣不能
聚而殲除而各處奔馳人馬亦易疲乏且賊匪

四散分竄每股自有率領之人姚之富現在何
股雖未深知果將夥黨殲除首逆自難漏網

臣

等商將營盤紮住分帶官兵先行掃蕩各路零
星潰匪倘首逆等卽在其中自屬事半功倍若
祇係夥從各犯撲滅一處卽少一處牽制

臣惠

齡行抵梓山探得賊分兩股竄匿洪山之南隨
卽紮營三里岡要路一面率領臬司先福協領

穆克登佈候補道府恒慶護軍叅領盛永帶兵
由長岡店一帶搜捕並派副翼長富廉叅將穆
克登布候補知府鄭成基帶兵由板櫟岡截剿
副將皂靈保協領德昌知州阿霖帶兵由黑虎
嶺前進富廉等行至香花園遇賊約三百餘人
正從對面山梁翻越而下該員等恐其見而逃
散穆克登布當卽帶兵繞至賊匪後路鄭成基

同都司李英多各帶兵一百名分伏左右富廉
於山下要口溝內屯住賊匪不知官兵在彼相
率趨下富廉卽帶兵突出鎗箭齊發殺死五十
餘人賊匪果從左右山坳返身竄上山梁欲圖
四通經穆克登布等帶兵三面圍聚將此股賊
匪盡數殺死並生獲陸成宗等三名皂靈保行
至出山店見該處民人紛紛逃至皆稱賊匪在

黑虎嶺一帶搶掠該將等卽縱兵掩擊賊匪不
虞官兵猝至捨命前逃遁防守溫峽口縣丞張
世維帶同鄉勇聞報趕來前後夾攻該處地面
寬廣不能拋圍當殺死一百餘人餘匪逃入洪
山而去該將等入山逐處搜捕又獲賊張添爵
等十八名臣惠齡將到長岡店卽望見洪山坵
一帶有賊二三百人越嶺而來隨飭先福穆克

登佈帶兵伏於山左恒慶盛永帶兵伏於山右

臣

帶兵隱於樹林之內復差鄉勇四五十人假

充難民分投藏匿以誘其來賊匪果一擁而至

欲行追捉甫入山溝卽施放號礮先福等兩路

齊出

臣

惠齡帶兵自後兜剿登時盡行殺斃生

擒執旗騎馬賊目劉上澧一名旗上大書帥字

該犯供稱手下原有夥黨二千餘人自正月來

均被官兵擒殺僅剩三百餘人欲圖逃竄又遇官兵盡行殺斃詢以姚之富下落不吐一字實堪痛恨當卽寸磔處死臣恒瑞等追賊至泰山寺賊已聞風逃竄三月初四日趕至洛陽店適遇賊匪七八百人正向南行臣恒瑞舒亮同碩雲保富成分領馬步官兵四面圍剿賊匪狡獪異常一見官兵卽行奔逃隨卽分投追捕殺死

二百餘人餘均四散時值大雨道路滑澀祇可暫緩追剿使其復聚一處以便殲除又據阿爾薩朗等報稱初三日在觀音岩搜殺逸賊六十餘人又於尙家店拏獲乘機搶奪之匪徒韓文洎韓文湧李大會等三人當場殺死十三人隨帶兵抄尋舊路沿途察探現已無賊等語臣等據訊陸成宗等均供該犯等於二月二十九日

在高規地方與姚之富等分路姚之富並未設
要逃往何處祇令斷莫與官兵接仗遇見時卽
四散奔走總要官兵不知我倆出沒纔好逃脫
又據韓文滔等供稱該犯等因見居民畏懼教
匪是以糾約同夥十六人假充教匪採馬嚇散
居民乘機搶掠各等語該犯等均屬法無可寬
當卽概予駢誅_臣等現仍分派員弁酌帶兵勇

逐處嚴查並將湖南撤回官兵九百餘名卽委
原領兵之副將關聯陞等帶赴適中之易家山
一帶相機策應既可剿賊北竄並可查緝匪徒
惟自三月初一日至今連日雨雪交作人馬俱
難馳驟臣等不勝焦急現在差探首逆蹤跡一
俟天氣稍晴卽行帶兵星往掩捕

惠齡又奏言查慶成一路自與臣等分投剿捕

之後彼此相離較遠音信不能常通三月初三日始接慶成二月二十日知會據稱探知賊在黃龍寺洪家莊屯聚當卽帶領馬步官兵由北面繞至駱駝店地方遇賊前來卽帶馬隊衝殺步隊隨後接應賊向東南楚豫交界之新店一帶奔竄該提督追趕二十餘里殺賊一百餘名繼復接其二十七日來信據稱賊匪總在山中

逃竄暫留巴克坦布帶領火器營兵駐防武勝關一面仍帶兵加緊抄襲等語

臣

等查賊匪圖

延殘喘到處分逃而應山界接黃安複嶺重山

路通安豫兩省尤關緊要隨飛札慶成速行分

兵兜剿一面知會該督撫派員在於邊境堵拏

旋准景安札致撥兵協剿確山竄匪

臣

查確山

一帶路當孔道而

臣

等現帶各兵實又難於分

往因查與肇現在帶回滿兵一千七百名除派
出七百名往防夾河洲外尙有一千名可以撥
用隨飛行知會與肇囑其帶兵就近取道確山
會同景安剿辦並聞應山縣之許家冲等處亦
有潰匪逃匿臣等復將南省撤回官兵六百餘
名交原領之荊州城守營叅將吉林泰卽日馳
往應山會同該府速行撲滅查應山確山之賊

自係慶成等剿散餘匪此股賊匪本不過二千
餘人今復分爲數股人數自必無多惟各州縣
一聞賊匪入境不辨多寡卽事張皇以致無賴
匪徒乘機滋擾今臣酌撥官兵分往剿捕一面
嚴飭該州縣務須督率鄉勇鎮定堵防不可驚
慌畏縮並飛咨慶成速行分派鎮將馳往截剿
奏入

上命軍機大臣傳諭惠齡景安恒瑞慶成曰惠齡等
所奏不過敷衍塞責以處賊匪於洪山泰山寺一
帶復分數股逃竄希圖分我兵力此其奸計顯而
易見今惠齡等分帶官兵欲將零星潰匪先行掃
蕩以期撲滅一處卽少一處牽綴是亦下策惠齡
等雖由長岡店一帶縱兵掩擊並入山逐處搜捕
而殲賊不多首逆尙在潛逃賊匪分竄每股自有

率領之人閱摺內惠齡一路竄匪不過二三百人而恒瑞追賊至泰山寺洛陽店一帶遇賊七八百人看來首逆姚之富張富國等當在恒瑞一路賊匪內潛匿惠齡必須探明賊首蹤跡如姚之富等現在泰山寺一路卽當帶兵前往與恒瑞等併力搜剿或得速行擒獲不可惟事分追轉墮賊人奸計又據奏接到慶成知會令典肇將滿兵一千名

帶往確山助剿又將湖南撤回官兵交吉林泰帶
赴應山協同搜捕豫省邊界潰竄賊匪業經景安
由確山遂平帶兵抄截並令張文奇由西北迎壓
自可不致擾入豫境如興肇到彼後豫省已無需
多兵接應興肇仍當回至襄陽與惠齡等合力擒
拏賊首又昨據汪新奏在雙溝地方拏獲布散逆
詞之武致雍張之生等各犯自係賊匪冀圖布散

逆詞糾合潰匪以爲煽惑人心之計雙溝一帶卽
係襄陽近接豫省邊界賊匪等在彼暗相勾結其
首逆自必仍在襄陽附近各路竄匪內藏匿惠齡
現在雙溝之南當就近留心偵緝毋專以追剿遠
處零匪爲事

十五日_{乙卯} 慶成訥音奏言_臣等前次分路督兵

截剿賊匪仍由原路竄回查楚豫兩省東北一

帶地方均與江南接壤若官兵直前追襲恐其

折而東竄

臣

等先令總兵德齡德光於初二日

晚帶領步兵繞出黃陂縣之河口攔截

臣

等帶

領巴圖魯侍衛奮勇馬兵於初三日五更前進

天明追過大霧山雪雨交作途遇避賊民人詢

悉賊衆忽又轉回山後一帶村莊當卽馳往賊

匪瞥見官兵驟至卽行亂竄

臣

等帶領弁兵奮

勇衝入鎗打箭射殺死賊人無算餘匪俱竄上
大山并將數十騾馬戮死拋棄陡坡阻擋去路
我兵追趕上山賊匪放鎗滾石抵死拒守

臣訥

音帶兵在山坡紮住

臣

慶成與六十七巴圖魯

侍衛等從深林內繞上山頂一齊放箭賊人中

箭滾落溝澗者甚多餘匪不能支持捨命越山

向西奔竄

臣

訥音帶兵撲上山梁適德齡德光

等亦帶兵自河口繞截前來會同向西掩殺擒獲吳湘等二十三名訊據供稱東股竄賊因屢被官兵截殺不敢竄往東北江南河南一帶邊界仍尋素日擾過之路易於逃避并欲探問西股竄賊歸入一夥等語餘無要供當將各犯正法梟示但賊供狡詐不可盡信_臣等惟有乘勝督兵于楚豫邊界西南日夜抄截如果竄往西

南歸夥則

臣

等卽與惠齡恒瑞兩路之兵就近

併力夾擊再

臣

等行至應山縣之東光店地方

巴克坦布已帶火器營兵前來會合奏入

上命軍機大臣傳諭惠齡慶成曰慶成等奏追剿東
竄賊匪情形所辦甚好慶成著賞給白玉搬指大
小荷包訥音德齡德光著各賞碧玉搬指大小荷
包用示獎勵現在該處竄匪經慶成等分路截殺

不敢竄往東北已向西南奔逸慶成等乘勝帶兵
向西南抄截剿殺而惠齡等在襄陽一帶迎頭撲
擊正可兩面夾攻賊匪前在雙溝地方布散逆詞
內有姚張王黎四姓之語本日軍機大臣審訊河
南解到之劉起榮楊應邦二犯供稱姚張二姓卽
係姚之富張富國其黎姓係名黎樹賊夥稱爲黎
叔王姓稱爲大叔更在姚之富等之上該二犯俱

係隨州賊匪大頭目跟究明白更可易于蹤跡惠齡等務須按名拏獲毋使漏網又訊據楊應邦供劉之協在陝省出家之語係趙貨郎卽趙化隴告知並供出賊匪內有姚狗頭廖士學張漢潮李槐劉啓華五犯俱係著名頭目並著惠齡等一體嚴拏務獲以淨根株

十六日

丙辰

景安奏言查楚匪由東路竄入確山

遂平一帶向東北奔竄經臣先遣馬隊截擊於

折入植牙山奔向西北查西北由舞陽至裕州

葉縣卽係南北通衢臣一面派令都司曹星等

沿山追剿臣率領遊擊六十五等帶兵徑趨舞

陽抄至北面截擊行抵舞陽之解家店正遇賊

探擒獲數名訊知賊匪沿山一帶艱于覓食欲

乘隙竄至平地擄掠並無一定去向當將該犯

等梟示旋據探報賊蹤忽向南趨臣料賊匪狡

獠必係引誘官兵入山以便乘隙北竄當卽分

遣弁兵作南追之勢臣仍趨至葉縣之保安驛

一帶扼據要路詎賊匪已由小頂山翻身北竄

直奔保安驛探知官兵已至仍復奔回入山向

西南逃遁臣仍帶弁兵由北面趕赴魯山派令

六十五曹星等帶領馬隊由南遂擊遏其竄入

內鄉浙川之路該遊擊等追至蠻子營地方賊
匪正在掠食一見官兵趕到倉猝向北奔至魯
山經臣督兵迎截賊復折回適六十五等自南
追至賊匪見有兩路官兵卽復狂奔入山向西
逃竄官兵極力追殺因時已薄暮卽收兵會合
一處連日窮追急截幸得抄繞賊前各州縣城
池未致驚擾卽村莊亦未被蹂躪東西驛路俱

得通順無阻祇緣山深路雜賊奔甚速又復躲

避官兵東截西竄雖沿山村莊不無畏脅亦復

隨眾隨散惟臣帶兵僅八百名實不敷分投截

剿若入山跟追不特徒勞兵力轉致有乘虛北

竄之虞臣現在已至豫省西境距新野信陽等

處數百里至千餘里不等據總兵王支雄報稱

賊匪竄入羅山光山邊界見官兵已到旋復向

南遁退出境該鎮已帶兵前來協剿因

臣

價行

迅速尙未趕及總兵張文奇帶兵三百名已由

河北起程

臣

已飛致令其於嵩縣一帶遁爲聲

勢以防賊匪分竄便於堵截再賊匪現由魯山

西竄該處層峯疊嶂接連伏牛大山路通陝省

已飛咨秦承恩並藩司倭什布一體嚴密堵截

再查軍興以來所需馬匹隨時於各營抽撥接

濟本年正月間臣設法於武生武童自用馬內

重價挑買三百匹解送應用現在軍營復需馬

匹更換自應趕緊購辦當飭令司道等仍於武

生童馬內湊買二百匹解往大營惟是軍營需

用不時豫省非產馬之區此時馬販未來本地

實已無可搜羅委員出口採買又恐緩不濟急

莫若就近調撥晉省馬匹協濟軍需該省距產

馬之地較近買補亦屬易辦已飛咨山西撫臣
酌調三百匹迅速解豫以資接濟奏入

上命軍機大臣傳諭惠齡景安秦承恩曰襄陽潰散
賊匪竄入豫省經官兵由魯山窮追截剿復入山
向西逃竄該處路通陝省景安已咨會秦承恩嚴
密堵截所辦可嘉但賊匪由魯山一路逃竄後現
在是否聚匿山內抑又竄往何處魯山接連伏牛

大山路徑紛岐賊匪入山後是否徑行向西奔逃
抑或折而南竄此股賊匪究有若干伏牛山內有
無要隘可以攔截景安現由何路截剿曾否將賊
匪卽行擊退著將一切情形先行迅速覆奏並著
秦承恩督飭所屬相機防堵毋任賊匪逸入爲要
十七日丁巳明亮宜綿觀成英善奏言查賊匪分
據金莪寺清溪場二處相距二十餘里金莪寺

背倚馬伏山三面陡崖惟東面冉家埡口有路
可通賊巢馬伏山最高之峯名大團包賊匪因
官兵漸逼將附近各卡撤去分屯二千餘人於
大團包冉家埡口二卡併力堅守清溪場距河
五里賊匪將前掠船隻聚于河之東岸樹立木
柵排列鎗礮使我兵不得過渡又於金義寺清
溪場中間之姚家壩安設大卡聯絡聲勢三月

初一日天色微明

臣

等催督進兵索賚英阿紉

營馬伏山與大團包逼近該處地勢最高仰攻
爲難隨多帶兵勇出營爲直趨冉家堙口之勢
密留兵勇伏於營內大團包賊衆望見我兵出
營果一齊下寨直撲營盤該鎮派叅將瑪璽阿
遊擊李昌等帶兵勇五百名潛由大團包山後
奪佔賊寨其餘俱行轉回暗從山脚尾隨而行

賊匪行至營邊營中官兵鎗礮並發瑪靈阿等
帶兵從後寨殺入賊匪慌亂四散奔逃該鎮迎
頭截殺殲戮殆盡卽佔據大團包紮營賊首徐
添德等見我兵已得要卡率賊衆四千餘人直
撲大團包營盤該鎮鼓勵將士奮勇抵禦自午
至申殺賊七百餘人初二日賊匪復聚夥黨擁
抵營盤我兵勇氣彌增鎗礮如雨叅將姜敏功

等帶兵由左邊殺出遊擊馬瑜等帶竹谿鄉勇
由右邊殺出該鎮自率都司張永成等從中殺
出乘高壓下適大雨驟至賊匪被殺及跌死者
不計其數是日鎮臣朱射斗帶兵抵漏明岩正
在紮營賊匪冷倖等豫伏二千餘人突出分撲
緯斯甲布土兵及千總職銜陳華所帶鄉兵營
盤副將長春遊擊李應貴都司安如峒達自祥

胡魁等急帶兵分投截殺正在相持之際適值
臣艾如文自白瓦溝趕來協剿從旁衝出兩面
夾擊共殺賊二百餘名臣等密相計議賊匪於
清溪口東岸扼我渡口而姚家壩居清溪場金
義寺兩寨之中皆關緊要賊人捨命拒守不如
乘雨出其不意可以奪取因令柯藩明興馳至
清溪口副將玉柱營中奎舒勒禮善帶兵至明

月壩相機進取是夜雨益淋漓柯藩明興潛從
上流用木棧渡河令善泗人沒水赴東岸斬斷
賊船纜索船動水響賊人知覺不及點放鎗礮
我兵已到柵邊用短兵砍開木柵一擁而入賊
匪不測官兵多少悉棄卡而逃所得船隻盡渡
餘兵過河卽於賊卡紮住奎舒勒禮善由明月
壩翻山至姚家壩泥深路滑兵士皆手足並用

五鼓始抵賊卡守卡賊衆果不設備我兵四面
並進賊衆皆在睡夢中殺死無數遂將賊卡佔
據生擒賊匪一百二十餘名訊非緊要賊首俱
行處斬查冉家壩口爲金莪寺門戶而大團包
緊臨其上今經我兵奪佔又將清溪口東岸及
姚家壩兩處賊卡攻得金莪寺聲息不通其勢
已孤乃自初一日以後陰雨連綿不止賊巢皆

據高處路徑險滑難以仰攻現在臣明亮已抵

軍營兵丁尙未到齊先赴各紮營處所重加相

度一俟天氣暑霽臣等卽趕緊催督現有之兵

分路前進

明亮宜綿觀成英善又奏言查巴州屬王家寨

賊匪前經臣等派委鎮臣百祥前往剿辦復派

知府李杭都司羅定國等帶領兵勇圍守方山

坪使之不能接應緣王家寨石崖壁立僅有小徑可通經百祥等督兵進攻殺賊三百餘人因係仰攻兵勇亦有陣亡受傷者茲據百祥稟稱二十四五等日賊匪連次直撲營盤俱經兵勇併力截擊除殲斃賊匪外生擒二十一名內有冉文傑一名衆供係逆首冉文儔胞兄被毆打傷左脇傷重未能取供當卽寸磔梟示現因連

日陰雨尙未得手再查上年賊匪攻犯東鄉所
有陣亡受傷文武各員及兵勇人等尙有未經
查明者經臣觀成英善等奏明收復東鄉確查
另奏茲查防禦常福德陞驍騎校常齡常善四
員俱係奮勇殺賊陣亡合併奏

聞均奏入

上命軍機大臣傳諭宜綿明亮曰此次宜綿等督率

將弁兵丁分路進攻先將冉家壩口及大團包要
卡攻克復於雨夜直渡清溪口並佔據姚家壩要
卡賊人門戶已破使賊衆聲息不通其勢已孤宜
綿明亮著各賞給金盒大小荷包觀成英善柯藩
著各賞給鑲瑪瑙盒大小荷包奎舒勒禮善明與
索費英阿艾如丈朱射斗百祥著各賞給象牙香
囊大小荷包玉柱長春瑪瑙阿姜敏功李昌永明

馬瑜李應貴著各賞給大小荷包此外出力文武
各員並著查明咨部議敘官兵著賞給一月錢糧
綽斯甲布土兵亦著一體賞給一月錢糧以示鼓
勵其陣亡受傷兵勇著查明咨部加等優卹看此
情形首逆徐添德等必在此兩處賊巢之內正可
設法生致此時天氣早晴況又添明亮所帶生力
勝兵更可四面兜捕其王家寨一路擊擒之再次

傑一犯訊係冉文儔之兄是冉文儔卽係王家寨
賊首亦當生擒處治又據奏查明賊匪滋擾東鄉
時防禦常福德陞驍騎校常齡常善均因殺賊陣
亡殊爲可憫著咨部優卹至宜綿原係督剿此股
賊匪明亮不過幫辦乃摺內明亮轉列名在前殊
未允協此後應遵旨改正

十九日

已未

景安奏言

臣

於十一日帶兵由山路

僨行追截至魯山嵩縣交界之二郎廟正在紮

營間接據葉縣知縣廖寅稟報另有一股賊匪

自南路竄入保安驛焚掠

臣

查葉縣路當孔道

北接襄城許州距省較近最關緊要

臣

前聞南

陽鎮總兵王文雄因另股賊匪竄出確山已帶

兵星夜趕來此刻諒在東路途中隨一面飛行

知會令其帶兵由北抄截一面派令叅將廣福

都司何隆阿等帶兵六百餘名往嵩縣一路追剿誠恐該叅將等兵力單薄昨據河北鎮總兵張文奇來信已帶兵由北面前來西路嵩縣一帶抄截臣復飛行該鎮迅速帶兵與廣福等會合極力截剿臣卽連夜趕回魯山探聽葉縣賊蹤趨向由西北抄截惟二郎廟距魯山百餘里自魯山至葉縣亦二百餘里且恐賊匪徑直北

竄臣惟有鼓勵弁兵不分晝夜趕緊抄截再前

接惠齡來信因聞有賊竄至確山已令與肇帶

兵一千名前來協剿臣亦飛行知會與肇不必

前來西路卽由桐栢一路探聽賊蹤相機截擊

景安又奏言正在封奏間續據葉縣稟稱焚掠

保安驛之賊匪係由桐栢縣之出山店竄入臣

查此股賊匪據報前後兩股約有千餘看來必

有緊要頭目在內急須趕緊截剿

臣

所帶之兵

除分往嵩縣一路追剿西竄賊匪外僅有三百
名聞王文雄亦祇帶兵四百名一二日內即可
趕到雖兵力稍覺單薄

臣

惟有會同王文雄相
機設計極力截剿不使北竄奏入

上命軍機大臣傳諭惠齡景安曰前據慶成等奏由
東路碓山一帶剿賊痛加殲戮賊匪仍往西南逃

逸擬與惠齡併力夾擊何以賊匪現復北竄闖入
葉縣界內自係經慶成等追壓後另分一股由桐
栢山翻越該處與襄城許州接壤距開封較近亟
應設法堵剿現在慶成等究在何處何以未將此
股賊匪殲截任其北入豫境又據景安奏派令叅
將廣福等帶兵六百名前往嵩縣剿賊景安處兵
力究未免單薄與肇所帶兵一千名業經景安咨

會令其不必前赴確山卽田桐栢一路探聽賊蹤
截剿著該將軍趕緊行走沿途躡探葉縣之賊現
在何處奔走卽趕至該處與景安兩面夾擊疏通
保安驛站並過其北竄之路此股賊匪千餘自必
有爲首之人必須將首犯擒獲爲要

二十一日

辛酉

上諭內閣曰湖北剿辦賊匪文報關係緊要晝夜遄

馳甚爲勞苦且查對日期尙無遲悞所有自軍營
至京沿途驛站著該督撫查明照例賞資以示獎
勵而昭體卹

二十二日

王戊

景安奏言

臣

探得賊匪自南路竄

至保安驛因王文雄帶兵由東北抄截前來賊

匪不敢北趨折由裕州一帶沿山向西奔竄

臣

卽率領遊擊六十五等帶兵自西北向東壓擊

旋據探報前次派往桐栢信陽防邊之叅將德勝守備李光斗行至裕州之四里店地方卽遇此股賊匪數百直撲前來官兵施放鎗礮擊斃數十人正在追殺不期左右山梁又有千餘賊衆一齊撲出該叅將等因帶兵無多致被圍困等語臣立卽督率弁兵趕往迎擊適王支雄先已帶兵趕到奮勇撲剿賊始解圍彼時臣亦

帶兵趕及賊遂折向西南一帶山徑竄遁

臣與

王文堆會合一處十六日趕至南召之王婆廟

適遇慶成等亦已帶兵星夜追來當卽帶領馬

隊馳往擊剿

臣

與王文雄帶步兵七百名隨後

策應又據葉縣知縣廖寅稟稱該縣聞知保安

驛被賊焚掠卽馳往查看據驛丞張瑛之子張

履謙哭稟十二日三更時賊匪竄至該驛伊父

呼集鄉勇持鎗喊罵殺賊無如賊匪衆多鄉勇
俱被殺散伊父戳傷賊匪數名衆賊將伊父圍
住伊卽上前救護被賊棍擊跌入溝內昏迷不
醒至次日黎明稍甦見伊父已被殺死遍體鱗
傷伊父出來殺賊時將印帶在懷內今伊父衣
服俱被剝去想印亦被賊人刳去等語隨驗得
該驛丞張瑛屍軀周身共有刀鎗傷二十三處

俱透膜入骨當備棺木衣冠給令伊子張履謙
裝殮等情臣查該驛丞張瑛拒賊殉難實堪憫
側當飭藩臬兩司查明另行咨部照例議卹

同日巴克坦布慶成訥音奏言臣等行至應山

縣之廣水地方有查探賊蹤之都司岳寧阿盤
獲假稱兵丁賊匪王大祿一名嚴加究訊據供
東股賊頭李全卽李樹與王廷詔卽王大樹姚

之富三人均經官兵剿散各帶夥黨分竄李全
欲由楚豫東南竄回本鄉因屢被剿殺現帶千
餘人恐不能抵禦由應山隨州一帶裹脅尋歸
逆夥因途中聞王廷詔先由隨州竄入河南確
山地方今李全亦欲由山內潛往故使我在外
探聽等語訊無別情當將該犯凌遲臣等卽督
兵繞赴楚豫交界地方並知會總兵德光德齡

等帶兵接續前來賊衆竟向確山一路日夜狂

奔

臣

等卽將行李留後令兵丁隨身酌帶軍火

乾糧兼程緊追至南召縣鐵牛廟地方適景安

王文雄亦帶兵迎剿而來前後兩起賊匪均已

捨命竄入深山景安業經分布兵勇於要隘防

堵飛咨陝省在交界處所嚴加堵截並接濟口

糧軍火現在

臣

等星夜督兵加緊剿辦斷不敢

稍有遲延均奏入

上命軍機大臣傳諭惠齡景安巴克坦布慶成曰賊
匪焚掠保安驛站後折由裕州沿山西竄景安趕
至四里店地方與王文雄奮勇剿殺殊屬可嘉而
巴克坦布慶成等亦由應山一帶追蹤跟剿與景
安會合辦理亦好現在賊匪既向南趨豫省地方
不致遭其蹂躪但此一股賊數如此之多前據景

安奏到朕卽以其中必有爲首之人今據巴克坦布等奏賊頭李全王廷詔姚之富均在其內必須設法將此三犯生擒毋任漏網前據惠齡奏稱總不得姚之富等實在蹤跡今得究明賊首確蹤正可併合捕拏此三犯旣在東股則惠齡一路爲首之賊不過張富國一犯惠齡未經探明尙在南路兜剿未免失算想惠齡一得此信亦必趕赴南召

一帶會合剿捕此時巴克坦布等兼程緊追景安亦當趕往該處自北而南幫同會剿如惠齡等得信自南而北兩面夾擊此係極好機會不可不倍加奮勉又據景安奏保安驛丞張瑛於賊至該驛時罵賊捐軀可嘉可惜著於事定後咨部照知縣例議卹以示獎勵

欽定剿平三省邪匪方略正編卷三十二

丁巳年

三月二十五日

乙丑

惠齡奏言連日探訪賊蹤總

在南山以內東奔西竄迄無定所

臣

等查南山

一帶居民因恐被賊滋擾各在附近陡險山頂

搭蓋草棚築牆挖濠攜眷居住每處自數百戶

至一二千戶不等均各備有鎗刀以爲防守但

每遇匪徒經過並不敢下山擒捕如有到寨需

索者居民畏其兇悍輒將騾馬米糧送給致賊
匪得以苟延殘喘並據各處民人告稱倘各寨
上得有官兵數十名督同防守則遇賊來時卽
敢隨同打仗等語因思此等愚民不過圖免蹂
躪給賊食物馬騾與有心通賊者不同此時自
無庸深責且現有求派官兵前往督率之請正
當乘機利導既可隱加約束並免其私通賊人

隨每寨各派千總一員帶兵二十名前往協禦
如遇賊來卽令帶領剿捕又於洪山垵白龍池
二處添設卡隘委員帶兵駐紮以防賊人越山
奔竄口來探明賊匪現分三股其在羅店一帶
藏匿者約一千四五百人在勝景山一帶藏匿
者約一千七八百人自應乘此天色開霽設法
兜擒惟賊匪伎倆總以一見官兵卽行分散逃

遁自應密布網羅將三路之賊逼歸一處方可
得手

臣

派令阿爾薩朗帶兵前赴小阜街並將

湖南撤回官兵令副將劉廷基帶領四百名由

羅店之東前至朱河副將關聯陞帶兵三百名

由易家山前往火峪口遊擊朱承茂帶兵三百

名前往大小介山分投安設又令舒亮由洪山

南面直向西行截其北竄恒瑞由洛陽店繞向

南面截其南竄

臣

從三里岡長岡店一帶繞赴

西面迎頭截擊十三日已將三股之賊盡逼近

溫峽口一帶復恐驟然進剿賊仍四竄當於是

夜二更

臣

偕恒瑞碩雲保分領官兵裹帶口糧

脚枚急走四更時直抵賊所詎賊情狡譎一聞

官兵三路齊來卽鳴鑼吹號紛紛四起

臣

等乘

其驚亂之時督率馬兵橫衝直擊立時殺死四

五百人賊匪不暇抵禦四路亂竄總兵富成副將關聯陞劉廷基等帶領步隊鎗箭齊發斃賊又不下三百餘人生擒賊目劉順及賊夥王得昌等五十九名餘賊盡向大河頭一帶奔逃時同知周季堂帶領鄉勇在彼堵守賊匪直前衝撲經周季堂激勵鄉勇頭人杜光德等奮力迎擊鎗礮並施殺賊百有餘人賊仍折向西北逃

竄又遇碩雲保趕至馬頭寨地方督同周季堂
復殺斃二百餘人生擒夥賊萬從義等十二名
賊復亂竄十四日未刻探知賊匪復逃於東北
山內屯聚隨即分投前進三更時在龍鳳溝對
岸將賊截住適因雨後山水陡發賊匪竟於對
岸排列抗拒臣卽令施放連環進擊並用大礮
轟摧擊死賊匪二百餘人賊甚慌亂正欲分逃

見有一賊手執大旗四面招颭衆賊復行攢聚
適恒瑞相離較近隔岸發矢射中賊人左眼隨
卽策馬先渡官兵爭先用命當將該犯生擒並
獲姚爽等二十七名餘賊奔上山岡我兵一齊
直上刀砍箭射賊匪漫山徧嶺四散狂奔時已
夜深將各兵分紮山頂計此次兩夜一日之內
各路殺賊實有一千三四百名生擒九十九人

奪獲騾馬三百六十八匹頭兵勇亦間有傷亡
容另行查明分別造冊咨部隨提訊執旗頭目
於該犯身邊搜獲數珠一盤銅佛一尊青邊白
旗一面上書奉佛師命督總師七字據供名朱
爲成係姚之富徒弟數珠銅佛係姚之富所給
姚之富見我打仗向前派我掌此帥旗衆人都
稱我元帥至姚之富原說官兵利害不要打仗

倘若遇見卽行分散各領一股逃竄俟官兵趕
逐疲乏之時再拚命上前抗拒若敵不住再逃
不遲昨見官兵追殺幾日料想疲乏是以纔敢
接仗不料又敗等語詰以姚之富等現在何處
據供不知再三嚴訊該犯惟閉目不語加以重
刑終無一辭兇狠情狀實堪切齒當卽寸磔處
死復訊據劉順供稱該犯名下原有四五百人

掌官小旗是姚之富徒弟姚之富等不知現在
何股又提訊姚爽僅稱係姚之富堂侄餘皆不
知嚴刑究問不吐一字遂將該二犯一併寸磔
又訊據王得昌等供稱賊人頭目都是騎馬若
遇打仗他們在後督陣令我們在前攔陣若攔
不住他們騎馬在後先跑我們就四下亂奔總
要使官兵難以圍殺現在此股除被殺外尚有

二千餘人等語詰以姚之富劉起華李槐張富
國等去向忽稱現在此股忽稱已往應山迨至
嚴刑詰究該犯等亦皆閉目不言極堪痛恨當
將該犯等概行梟示

臣

等隨分遣弁兵於沿山

一帶窮搜一面差探賊匪去向旋據探馬報稱

現在賊匪又分兩股一向南竄一向北逃南股

馬匹較多等語

臣

查現獲各犯雖均不肯供吐

姚之富實在下落但多係姚之富之徒且獲有

伊侄想姚之富總在此股之內臣卽帶兵搜捕

南股恒瑞截剿北股之賊惟查楚豫交界重山

疊嶺處處可通此時景安王文雄均往確山一

帶剿賊河南邊界恐無大員重兵駐守查舒亮

此次未曾遇賊接仗隨囑其帶兵就近前赴河

南張博士店一帶堵防並令阿爾薩朗帶兵前

赴邢家川一帶會同舒亮相機截剿毋使賊向
西北逃竄昨據慶成知會該提督已將河南信
陽及湖北應山黃安各處之賊嚴行剿殺甫經
逼至湖北界上正在設法圍擒詎賊匪復乘夜
翻山折向北竄業經帶兵馳往等語揣度賊情
恒瑞所追賊匪勢必竄往合夥若果如此彼時
恒瑞與慶成等正可合兵圍剿再興肇帶兵一

千名馳往確山已於初七日由烏金店取道前進此時自可到彼惟該兵等遠從湖南撤回今赴河南馬匹難免疲乏適撫臣汪新解來馬一

百匹

臣

卽令委員解赴興肇營內用資接濟

同日興肇景安奏言本月十八日

臣

景安帶兵

趕至南召之李青店連據桐柏泌陽兩縣稟報有南來一股賊匪由隨州界牌口竄入桐柏現

已擾至泌陽之董家冲等處焚掠查現在兩股
西竄賊匪有巴克坦布慶成等帶兵緊追又有
張文奇由西北截剿惟東北一帶兵備空虛

臣

景安與王文雄均在西路追賊恐第三股賊匪

乘虛北竄所關非細

臣

景安卽與王文雄帶領

弁兵星夜馳回視賊趨向相機截剿

臣

興肇前

於十八日拜摺後卽馳往西南一帶截擊因聞

另股賊匪竄至泌陽之信查泌陽離省較近更
爲緊要且見景安所帶官兵較單恐惠齡等大
兵一時追趕不及是以不敢拘泥前奏亦卽帶
兵趕回向東北一帶分路抄截均奏入

上命軍機大臣傳諭惠齡景安慶成曰惠齡所奏仍
不過分路兜剿情形殲賊亦屬無多而拏獲賊目
亦非緊要首犯殊不滿意並據奏清字摺亦不過

爲恒瑞乞恩有何緊要恒瑞前曾獲咎今旣能知
過自奮伊本係將軍著加恩照例准戴花翎鄉勇
杜光德著賞給七品頂戴其傷亡兵勇並著查明
咨部加倍議卹至據奏現獲匪犯多係姚之富之
徒且獲有姚爽一名訊係姚之富堂姪想姚之富
總在此股賊匪內等語但據巴克坦布等奏由南
召竄入大山股匪逆首王廷詔李全姚之富俱在

其中此時恒瑞帶兵截剿此股賊匪巴克坦布慶
成等先經馳赴南召一帶正可兩面夾擊痛加剿
殺總須將各首逆設法擒拏不可坐待惠齡有稽
時日至楚豫交界現無大員重兵駐守惠齡已令
舒亮帶兵前赴防堵並令阿爾薩朗會同截剿所
辦尙是又景安等奏另有一股賊匪由隨州界牌
口竄入桐柏擾至泌陽地方景安卽與總兵王文

雄帶兵馳回截剿與平亦即帶兵向東北一帶分
路抄截所辦俱好景安等務須奮力剿辦勿令北
竄此股賊匪或亦有首逆在內亦未可定尤應踴
探明確設法擒拿

二十七日丁卯明亮奏言臣查賊匪屯聚金栽寺

一帶地方最爲遼濶山勢陡險路徑紛岐若非
親歷踴看扼其要隘則進攻斷難得手且恐防

堵不密轉有竄逸之虞因於初八九等日帶親
隨數騎由大成寨雙河塲抄抵北面韭菜梁清
溪口及東面王家岩地方瞻望賊巢雖已明晰
但均係側面不得緊逼之勢初十日復踰四方
山由萬古樓繞至賊巢東北鎮臣索費英阿所
駐營盤山勢最高足資堵禦其前五里許有陡
崖斜出名馬耳峯緊對金峩寺時有賊人攀援

而上窺探官兵營卡舉動情形極爲狡譎

臣看

定此處居高臨下且前面大冉家壩口係各路
進兵總要路逕若由此山發兵直壓大冉家壩
口可得建瓴之勢遂帶領撤回頭起川兵五百
名於十一日亥刻乘夜潛赴馬耳峯將數處瞭
望卡所賊人悉行殲斃立時紮定營卡迨至天
明俯視金甕寺賊巢棚帳人數歷歷在目惟查

迤左之王家嚴迤右之清溪口兩處營盤相距
馬耳峯均遠必須先將左首之雞爪嶺占據則
橫擊大冉家垭口更爲得勢緣此處賊卡嚴密知
賊人必抵死抗拒現於十二日知會柯藩明與
並密飭鎮臣艾如文朱射斗索費英阿等分路
帶兵將雞爪嶺搶占雖賊寨周圍尙有數處卡
隘從此官兵愈逼愈近無難以次攻克

明亮宜綿觀成英善又奏言臣等查雞爪嶺係

金我寺賊巢咽喉卡座極爲嚴密且高崗陡峭

仰攻不易惟以計取方能有濟本月十二日晚

知會柯藩明興帶領副將王柱叅將王清弼遊

擊李逢春楊潭等率兵自清溪口一帶直撲姚

家寨賊卡以牽賊勢密派鎮臣艾如文帶領遊

擊王威寧都司安如尙達自祥胡魁等率兵自

王家巖繞出雞爪嶺之北自上壓下派鎮臣朱
射斗帶領副將長春遊擊李應貴都司五十六
等率屯土官兵自王家巖繞出雞爪嶺之南又
查馬耳峯下有棋盤石一處賊人安設鎗礮防
守甚力必應奪據始可聯絡雞爪嶺姚家寨兩
路官兵遂派索費英阿帶領遊擊李昌都司毛
伏夏福張應魁等率兵自馬耳峯攀崖而下暗

爲埋伏俟艾朱二鎮率兵進發賊人分頭抵拒
時卽從崖壁山徑下壓攻取十三日卯刻柯藩
明興直抵姚家寨吶喊而進守寨賊人驚覺直
前抗拒官兵鎗箭並發殲斃甚多賊匪鳴鑼張
號仍不稍退並金義寺之賊亦蜂擁前來援助
抵死固守官兵奮勇攻撲之時楊潭領土兵繞
至賊後攀援而上意欲出其不意搶占寨落祇

賊人搆云擊倒傷重捐軀柯藩明與鼓勵將士
竭力攻殺總不使賊人接應他處其時棋盤石
之賊倚高踞下正在施放鎗礮索費英阿督兵
突出分飭參將姜敏功遊擊馬瑜兩路抄截遊
擊永明都司應元寬從峯頂直壓賊人三面受
敵遂棄卡而逃滾崖落澗死者不計其數當將
棋盤石賊卡占住復分兵接助艾如文一路艾

如文領兵將至雞爪嶺之上賊匪望見紛紛出
卡迎敵分隊搖旗朱射斗望見卽由山坳向上
直撲鎗擊箭射賊人在卡內用大礮轟擊凡可
躡足之處木石如雨官兵鼓氣爭先都司五十
六胡魁首先搶上卡墻均被矛傷殞命艾如文
朱射斗兩路官兵人人憤恨悉用火箭射入並
拋擲火彈卡內茅棚延燒賊人慌亂無措遂

乘勢折開牆垣一擁而入短兵相接刀砍矛扎
橫屍遍地餘衆始行逃竄我兵一面將雞爪嶺
要卡占據一面乘勝追殺斃賊三百餘名割獲
首級九十三顆生擒小頭目于大奇楊爾秀及
向能貴等六十一名金我寺之賊望見雞爪嶺
火光復又衝出四五千入捨命救援經索費英
阿艾如文朱射斗三路官兵衝殺至蝙蝠洞復

擊斃二百餘人割獲首級五十七顆又生擒向
老二等十一名賊人正在奔逃詎蝙蝠洞山後
復有埋伏賊人官兵追至溝底卽從崖內突出
會合奔回之賊圍截我兵

臣

明亮瞥見官兵不

得地勢飛派千總吳亨衍蘭福領奮勇兵三百
各自馬耳峯直下向前衝擊殺死賊人百餘名
官兵見有接應一齊努力剿殺賊始披靡俱奔

歸金義寺巢穴副將長春右膀被鎗子穿過未
傷筋骨此次官兵搶占賊卡二處奮勇異常雖
間有傷亡而殲斃賊人共有一千數百名奪獲
賊卡當卽分撥將弁嚴密防堵柯藩明興索費
英阿等所駐營盤均關緊要仍回原營駐守查
雞爪嶺緊接大冉家垭口賊巢恃爲唇齒今被
我兵占據棋盤石一帶亦係自高下壓並可策

應各路進兵道路現在德楞泰已抵達州日內

卽可趕至馬耳峯

臣

等總當會同熟籌趕緊剿

辦至生擒之于大奇等七十四名訊無要供當
卽正法奪獲器械分給兵勇備用受傷陣亡官
兵俟查明咨部辦理

同日興肇景安奏言

臣

等於前次拜摺後帶兵

星夜僨行探得賊匪已由泌陽裕州分股向北

直奔

臣

等率同王文雄由東西北三路並進二

十一日馳至裕州之古石灘正遇賊匪直撲前

來王文雄督率弁兵施放鎗礮向前迎擊賊匪

奔上山岡我兵奮力仰攻賊匪因占據地勢崢

然不動遊擊六十五都司劉應世首先搶上山

梁砍殺執旗賊目二名王文雄親督官兵乘勢

湧上賊匪不能抵禦散漫奔逃我兵從上下壓

殲賊甚多其時羅曲灣一帶山溝又有賊夥突
出接應臣景安已由東北帶兵趕到卽令都司

曹星帶領馬隊直前衝突鎗擊箭射賊匪不能
抵禦越嶺奔逃兩夥賊匪合而爲一正在追殺

臣與肇從西北帶兵趕往策應知我兵兩路業
已得手賊匪必向西竄卽將官兵分佈山坳及
附近村莊埋伏賊果奔竄前來當督令將弁施

放號礮各處伏兵齊出橫衝直擊賊匪措手不及遂亡命向西南大山散漫逃竄臣等鼓勵弁兵進剿三十餘里因時已昏暮稍息兵力一面晒探賊蹤乘此勝勢趕緊截剿

景安又奏言現在三股賊匪均已先後竄入豫境聞惠齡恒瑞等亦帶兵追趕前來大兵雲集一應軍火糧餉最爲緊要除西路巴克坦布慶

成等軍營已飭經過各地方官隨時備辦就近
運送並專派知府林樹芳總司其事至惠齡等
自南路而來業經飛札藩臬兩司趕緊籌備分
投撥運一面分委幹員隨營照料支應不致稍
有貽誤惟大兵分起全入豫省藩庫現存款項
尙有不敷支撥已飭該司吳璥卽於撥發楚省
之部餉三百萬兩內就近截留五十萬兩以資

協濟仍督率擢節核辦均奏入

上命軍機大臣傳諭宜綿明亮曰宜綿等奏奪占維
爪嶺等處賊卡其設計攻取自係宜綿辦理得當
乃明亮公然以宿將自居自列首銜其單銜具奏
之摺竟以一切布置皆伊所定太不知分明亮著
傳旨申飭並著接奉此旨後將所帶之兵留與宜
綿明亮卽輕騎從速赴襄陽一帶幫同惠齡剿

辦但明亮亦祇係前往協助其奏事列名仍應惠
齡居首惠齡亦不可因有明亮到彼稍有護卸之
見至此次奪獲要卡所辦俱好帶兵各員均屬出
力可嘉除明亮不必加賞外宜綿著賞給白玉搬
指鑲玉帶扣大小荷包觀成英善柯藩及索費英
阿朱射斗艾如文著各賞雕牙火鑰包大小荷包
以示獎勵其打仗出力之將弁等著交宜綿查明

實在始終奮勉者酌量陞用此次打仗之滿漢及屯土各兵俱著查明分別各賞給一月錢糧其陣亡遊擊楊潭都司五十六胡魁均著咨部加一等優卹此時賊匪險要卡座連被官兵奪占該處爲賊巢咽喉官兵從此進攻居高下壓川滇官兵陸續齊集諒無難一鼓蕩事也

上又命軍機大臣傳諭惠齡景安興肇慶成曰此次

景安等督兵分路追截竄匪調度有方王文雄尤
爲奮勇出力景安著賞給鑲玉帶扣白玉搬指洋
嵌盒大小荷包興肇王文雄著各賞青玉搬指洋
嵌盒大小荷包其單開打仗奮勉官員佐領那敏
著賞戴花翎遊擊六十五都司曹星俱著賞給陞
銜若該二員從前並未賞翎亦著賞戴花翎防禦
百順千總王開吉俱著賞戴藍翎打仗官兵並著

賞給一月錢糧此股賊匪剿散後向西南竄逸諒已不復北竄而巴克垣布慶成等先已馳往西路追捕又有惠齡恒瑞北來正可兩面夾擊惟景安等所擊賊股有何首逆又所稱賊匪已向西南逃竄是否仍歸慶成等所追二股之內抑係又回楚境或卽在景安等現在打仗之古石灘羅曲灣西南地方係何府縣所轄又據稱惠齡恒瑞等已帶

兵追趕前來惠齡係由何路行走抑與恒瑞分路
前來曾否與景安等會合並著速行覆奏

上又命軍機大臣傳諭景安汪新曰河南南陽一帶
地方被賊匪蹂躪之處居民未免失所今賊匪已
經剿散卽應招徠復業且現屆耕作之時春雨霑
透今年又有閏六月爲時尚早甚可趕種著景安
飭知地方官妥爲招徠流散復業耕種毋致拋荒

其襄陽一帶曾被賊匪滋擾處所此時賊匪遠遁
現在復業民人並著汪新一體獎勵令其勿誤耕
作

臣
等謹案君以民爲心民以食爲天故處無
事之日則教養而衽席之設地方稍有不靖
尤亟亟以勞來安集爲要務自楚省教匪滋
事以來

皇上軫念群黎

蠲租賜復

德意優加今因南陽襄陽一帶賊匪業經官兵擊剿

遠竄復

慮民業未復或誤耕作

降旨大吏速飭地方官妥爲招輯俾得及時趨功仰

見

如天怙冒於軍書

籌筆之餘刻以閭閻疾苦爲念所由綏萬邦屢豐年

詩人歸美於

武有七德也歟

二十八日

戊辰

額勒登保福寧奏言

臣

等伏思黃

柏山賊匪經官兵四面圍逼恃險負隅已非一

日必須周歷各營卡相度山勢設法進攻

臣額

勒登保於初十日乘雨稍止卽由天池口城口

子前赴黃金嶂一帶查看臣福寧隨由斷山口

雙龍寺一路查看亦繞至黃金嶂會合臣額勒

登保前抵天池口查得慶溥駐兵之所與黃柏

山尙隔深溪對面山石巉巖羊腸一線不便進

取而賊人可以潛下溪邊偷越必須防範但所

剗營卡俱在半山之中恐不甚得力臣隨令慶

溥將營卡移駐溪邊分設密隨於十二日轉
至諸神保劄營之城口子爲黃柏山之西南
溪流漸小一路層山疊嶺各處山坳房屋極多
詢之土人稱爲蜈蚣山山左爲一碗水在夜游
山之前均爲賊人劄卡占據共一碗水之旁又
有一蜈蚣嶺與一碗水相連系對卜薄道嶺過
嶺卽係四方臺此爲黃柏山八山正道查蜈蚣

山山勢雖高坡坎不至甚險神保從城口子

一路上攻可期必得臣於十四日至夜游山軍

營與將軍成德面計於十五口五鼓發兵隨飛

檄諸神保亦於是日五鼓帶臣直上蜈蚣山一

面知會福寧並因諸神保所帶之將領尙少添

派巴圖魯侍衛薩克坦布等臣前往前進臣額勒

登保卽帶同綸布春等督兵臣夜游山側繞至

大歇坪直攻一碗水山梁將軍成德帶同巴圖魯侍衛烏爾呼諾等領兵出夜游山溝亦上一

碗水背面以備夾擊並爲蜈蚣山聲援五鼓後

霧氣尙濃

臣

額勒登保所帶之豐紳三音庫褚

大榮等已帶兵攀緣巖石抄至一碗水賊卡之

上拋擲火彈將附近山梁房屋延燒賊匪緣山

設卡五六處尙不料官兵已出其上仍於各卡

內放鎗擲石豐紳首先帶兵躍入賊之頭卡於
霧靄迷離中痛加擊殺但聞喊聲不絕各卡賊
匪驚竄維時成德等帶兵亦搶至一碗水山頂
天色將曉見賊人被火燒斃及刀矛砍戮受鎗
中箭死者約有三百餘人將弁兵丁割獻首級
三十一顆乘勢直壓至蜈蚣嶺遙聞鎗礮聲緊
自係諸神保等領兵已到蜈蚣山臣所帶之給

布春等卽分兵由一碗水山腰急趨蜈蚣山立時搶上山巔環繞施放鎗箭賊人割卡三處每卡約有六七十人初猶抵死固守滾放木石諸神保薩克坦布何天標譚公義帶兵衝出突入第二賊卡殲戮賊匪將卡占據其頭卡之賊望見二卡已失希冀出卡逃竄被官兵四面截殺滾崖亡命而逃者十無一二當將賊人所搭茅

棚窩舍盡行焚燒其賊之三卡山勢較高於午
後尙復相持不能遽得官兵會合已衆怒氣益
張不避鎗石溝坎一鼓擁入卡內將賊匪痛加
殲戮未能逃出一人各官兵等從五鼓踰越險
阻殺賊一日之久實屬出力臣商同成德等將
攻克之前後山梁整兵分駐俾聲勢聯絡成德
卽在一碗水創營諸神保在蜈蚣山創營臣額

勒登保遂於繫對小薄道嶺之蜈蚣嶺上帶兵
駐紮此次進兵深入三十餘里滿漢屯土鄉勇
官兵不避艱險擊殺多人搶獲刀矛鳥鎗甚多
並於一碗水生擒賊匪覃加盛一名並搜獲覃
克秀張從德二名覃加盛訊係覃加耀族弟派
令守卡並稱首逆林之華覃加耀俱藏匿黃柏
山時至四方臺探望覃克秀張從德卽係蜈蚣

山居民從賊爲匪審明後分別凌遲梟示十六

日傍晚

臣

福寧亦來至軍營經過之長嶺斷山

口熊子垵一路山徑叢雜賊匪當此窮蹙之際
恐乘間潛出逃竄當經面飭關騰督率將備等
加意嚴防其餘如雙龍寺火燒冲沿山一帶官
兵及鄉勇等剗卡之處亦俱飭令晝夜巡防毋
稍疎漏再巴圖魯二等侍衛豐紳首先搶上一

碗水賊卡奮勇殺賊左肩猝中賊鎗穿透幸鎗
子已出可以無碍其餘官兵於攻剿喫緊之際
亦間有傷亡查明另行咨部辦理

同日秦承恩奏言竊

臣

接准景安咨會湖北賊

匪現由魯山西竄伏牛山一帶查此山綿亘南
召盧氏等縣正西卽係陝西雒南界西南係商
南界西北通潼關陝省亟須處處防範現在商

南地方有副都統豐紳布帶領滿兵五百名駐劄彈壓並鳳邠道王文湧常川防守團聚鄉勇數千名維南緊接伏牛山先經臣督飭該地方

官於雞頭關七盤磨要口設立總卡稽查現派署副將劉成得帶兵四百名會同同州府知府朱勲擇險防堵且藩司倭什布甫經親赴該處相度布置酌發銀兩雇募鄉勇幫同守護惟現

據景安拏獲奸細有賊匪欲竄至平地便於掠食之供查自盧氏出山切近潼關爲省城扼要

門戶

臣

已酌調弁兵交潼商道崇福督率防守

如果豫省信息稍緊

臣

卽將興安現有兵丁三

百名親身帶領由南山小路馳赴潼關相機堵

剿並策應商雒等處以免近省一帶民心惶惑

同日汪新奏言竊照夾河洲地方綿亘五十餘

里附近之彭家疇劉家集龍潭寺等處本係逆
首姚之富等起事嘯聚之區林深路雜最易藏
奸在洲村民大半俱曾習教上年賊氛初起該
處同黨未入賊營者尙多近日剿敗賊衆先後
潛回該處者亦復不少且地與豫境相接更慮
其潛相勾煽別生事端數旬以來時刻留心囑
飭駐守之鎮道等多遣耳目隨時偵察茲於本

月二十日戌刻接據襄陽道胡齊崙稟稱該處
伏匿匪徒果有竊掠牛隻潛圖蠢動情事現卽
會同駐守劉家大灣之馬總兵派帶員弁兵勇
分途搜捕等情臣當卽密會鎮臣馬瑀派兵分
赴王家樓龍潭寺各渡口嚴密防範臣卽於次
日辰刻自襄陽挑帶鄉勇並於經行各卡抽帶
弁兵親馳前赴雙溝駐劄就近督飭搜捕先於

二十日傍晚該道已令捐職布經歷朱謨投効
八品頂戴邵仁樂吳培坤義勇總首生員邱映
甲改裝易服前往體訪知有賊目王集義吳國
萃黃世昌郝以謙散李氏等五六人潛相勾結
復圖起事散李氏住居郝家莊當卽密派眼目
鄉勇前往擒捕適該犯婦探親回家中路掩獲
押解來營訊悉各犯姓名住址卽派員弁等各

帶鄉勇同時並發分途掩捕

臣

於午刻馳抵雙

溝遙聞鎗礮喊殺之聲料係鎮道委員等撲捕

賊匪

臣

立於雙溝過渡傳令飭催旋據委員朱

謨等分投拏獲緊要首賊王集義吳國萃二犯

並據署襄陽府經歷許宗瑛義首安寧拏獲俞

永隆黃玉幡等十五名並於散李氏家起獲鳥

鎗六桿刀矛一柄候補知縣高璐候補布理問

陶琛擒獲緊要首賊鄭宗朝一名并起獲白旗
二面刀矛一百十三件馬二匹行經李家橋笑
出馬步賊匪二百餘人各持刀矛截路搶奪該
委員等率領鄉勇奮力迎擊正在相持適馬瑀
胡齊崙馳到見賊抵死搶拒馬瑀飛箭射中一
賊落馬千總楊克立上馬擒獲兵勇餘打矛截
賊匪抵敵不住折向西逃該鎮道督率追趕適

西路委員候補同知虞友度等聽聞鎗聲急帶
鄉勇趕來迎截投効革職知縣陳華祝生擒緊
要賊目黃世昌一名查知該犯住居古城營候
補從九品方文立即馳赴搜出乾糧錢文並埋
藏刀鎗四十三件於時各村賊匪一齊驚覺因
器械多半埋藏寄頓措手不及各處奔竄當卽
飛傳各該處員弁兵勇合攏逼鎗箭並發立

卽殲斃二百餘人餘賊逼近河灘猶復拋擲石
子拚命抗拒官兵如墻競進開放排鎗逼入王
家樓渡口賊匪落水淹斃者甚多委員朱謨陶
琛陳華祝手足各受石傷尙不甚重隨據委員
馮培元孔繼樨俞克振方文葉珏信等拿獲張
應朝等二十名委員衛學純沈樹仁沈椿墀吳
雲龍等拿獲賊時路等十五名委員徐鏐慶吳

培坤鄭永泰劉士順楊士祿鄧懋常顧錦章等
拿獲姚之亮等二十九名又據委員虞友度高
璐朱謨陳華祝方文邵仁樂邱映甲王得洋等
續獲黃紹禮魏世史馬林祥等四十四名並獲
器械三百餘件一併押解前來臣卽督飭該道
等逐加研訊據王集義供稱該犯向拜劉之協
爲師上年因姚之富張富國王大樹劉起榮黎

述高成傑等起事到處打仗殺人本年正月在
鄧州李觀橋被官兵打散回至夾河洲同教先後
脫回者約有八百餘人該犯與吳國萃黃世昌郝
以謙散李氏等因聞襄城兵少商量充作鄉勇
難民混入搶占後知官路口宋家集等處盤堵
嚴密不能動手二月間同黨竄近襄陽該犯等
原想接應因洲上兵勇聲勢利害攔把鉛子島

鎗等物各自埋藏近日聽得姚之富等連次打
敗四散分逃該犯等復圖糾合仍往賊營幫同
打仗併在附近搶殺牛隻醃晒乾肉隨身帶著
充飢吳國萃黃世昌都是劉之協徒弟其馬上
箭傷之郝以謙是已死教頭韓景宗徒弟散李
氏是已死教頭散允恭女人又是女賊首齊王
氏徒弟劉之協於上年二月間在河南鄧州帥

西眷家起身逃走時有信來說往西去不知下落聽說帥西眷已被官兵打死現在賊營之姚張王黎四人內王廷詔卽王大樹黎述卽李述因其傳徒最多所以都稱他爲大叔他們自稱大元帥等供實之吳國萃黃世昌等一百三十九犯所供約畧相同查王集義吳國萃黃世昌鄒以謙散李氏等本係起首倡亂復潛圖肆逆

情節甚爲可惡其餘各犯同惡相濟均無可貸

臣

訊明後當卽分別斬梟正法訖並將各逆犯

墳塚分飭刨燬

臣

卽親歷各村將嚴辦緣由剴

切曉諭凡屬安分良民無不齊聲稱快其悔罪

歸正之人亦俱倍形讐服現飭各委員挨戶編

查取具五家互結並諭以此後如敢窩藏竄匪

定卽按法緣坐陣亡鄉勇王德勝李貴二名照

例給卹受傷兵勇分別獎賞其在事出力各員
另繕清單恭呈

御覽均奏入

上命軍機大臣傳諭額勒登保宜綿福寧秦承恩曰
黃柏山賊匪在一碗水蜈蚣山地方劄卡占據經
額勒登保等帶領將弁分路進攻將賊卡攻克進
逼四方臺距賊巢已近甚屬可嘉自係額勒登保

到彼後察看山勢將原設營卡移駐分設相機進剿是以有此克捷而福寧等協同攻擊亦爲出力額勒登保著賞給金鑲松石盒白玉大吉葫蘆牌大小荷包福寧著賞給金盒大小荷包成德文圖諸神保關騰慶溥著各賞大小荷包所有此次打仗殺賊兵丁俱著賞一月錢糧二等侍衛豐紳進攻一碗水首先搶上賊卡奮勇殺賊得受鎗傷甚

爲出力著授爲頭等侍衛現在賊匪要卡已克卽
可乘勝進逼四方臺直搗巢穴額勒登保等尤當
倍加奮勉速擒首逆又據秦承恩奏派兵防堵一
摺豫省闌入賊匪既有欲竄至平地面於掠食之
語陝省邊境不可不預行防範商南地方雖有豐
伸布及王文湧等在彼防堵究恐賊匪乘間竄入
昨據宜綿等奏已緊逼金嶺寺賊巢乘勢進攻自

無難尅日賊事宜綿務須速行剿竣卽同柯藩前
赴陝境商南一帶督率剿辦如賊匪由伏牛山闌
入正可迎頭截殺秦承恩惟當靜鎮彈壓不必稍
涉張皇

上又命軍機大臣傳諭景安汪新曰夾河洲地方伏
匿賊匪私將器械埋藏潛圖蠢動經馬瑀胡齊崙
會同帶領委官兵勇分投搜捕賊匪聞拿緊急尙

敢抗拒官兵奮勇圍逼分投掩捕續經汪新親帶
兵勇馳往接應將反側逆匪搜剿爭盡所辦深爲
可嘉汪新馬瑀著各賞碧玉搬指大小荷包胡齊
崙著賞碧玉搬指大小荷包汪新等仍須督率沿
河將領實力防堵毋任逸匪竄回

上諭內閣曰汪新奏據襄陽道胡齊崙稟報夾河洲
有匪徒伏匿卽會同總兵馬瑀抽帶弁兵馳赴雙

溝督率剿捕拏獲賊首王集義吳國萃等犯於訊
供後分別辦理並將從逆賊匪二百餘人全行殲
戮等語所辦均屬可嘉汪新著加總督銜馬瑀著
加提督銜胡齊嵩著加按察使銜用昭優獎其單
開在事出力之文武各員俱著照所請行

臣

等謹案信賞必罰者行軍之要道亦制治

之良規

皇上御下以誠從不存逆詐億不信之見鄰於智取
術馭之爲如夾河洲掃除賊黨一事先經汪
新據胡齊崙稟報鋪張入

奏當荷

溫綸沛錫普予加恩迨後胡齊崙以侵扣軍情事敗
按治得實復蒙

至誠洞燭

諭令大吏廉察此案均係冒功欺飾據實叅劾將各該員濫沾

恩數分別撤銷仰見

皇上至公至明權衡功過悉由其人之自取凡在臣工孰不敬畏而悅服哉